



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

19 ՆՈՅՄԲԵՐԻ, 2018 թ.
№ 15 (1032)

Թերթի առաջին համարը լույս է տեսել 1965 թ. մարտի 11-ին
երկշաբաթաբեր • հրատարակման 53-րդ տարի

ԽԱՂՏՈՒՐ ԱՐԻՑԱՆԻ ԱՆՎԱՆ ԸՆԹԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԱՇՏՊԱԹԵՐ

ՇՆՈՐՀԱՎՈՐ ՏՈՆԻ, ՈՒՍԱՆՈՂ

Ուսանողների համաշխարհային կոնգրեսը նոյեմբերի 17-ը հռչակել է որպես Ուսանողների միջազգային օր

Հայաստանի ուսանողները մեծ ակտիվությամբ նշում են Ուսանողների միջազգային օրը:

Մանկավարժական համալսարանի ուսանողների առօրյան հետաքրքիր ու հագեցած է: Ավանդական դարձած բազմաբնույթ միջոցառումների շարքում մեծ մասսայականություն է վայելում «Ամառային դպրոց»-ի և «Լավագույն ուսանող» մրցույթի կազմակերպումը: Բուհը համագործակցում է միջազգային առաջատար այլ բուհերի հետ, տարբեր ծրագրերի միջոցով պարբերաբար կազմակերպվում են ուսանողների փոխանակումներ:

Օրվա առթիվ շնորհավորում ենք Մանկավարժական համալսարանի և բոլոր ուսումնական հաստատությունների ուսանողներին: Մաղթում ենք բոլորին մեծ հաջողություններ ուսման մեջ և կյանքում:

Շնորհավոր տոնը, ուսանող:



ԴԵՍՊԱՆՆ ԱՅՅԵԼԵՑ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ



Հայաստանում ՌԳ դեսպան Սերգեյ Պավլովիչ Կապիրկինը նոյեմբերի 14-ին այցելեց Մանկավարժական համալսարան:

Նրա հետ էին «Ռուստորուդնի-չեստվոյի» ղեկավարը, դեսպանության ներկայացուցիչներ: Հյուրերը եղան բուհի թան- >2

ՄԵՐ ՓՈՐՁՆ ՈՒՍԱՆԵԼԻ Է ԵՎ ՀԵՏԱՔԻՔԻՐ

Մանկավարժական համալսարանը հայտնի է Շախմատի ինստիտուտով, որտեղ ուսումնասիրություններ են կատարում բուհի հոգեբանները և սոցիոլոգները՝ պարզելու շախմատի բարոյահոգեբանական ազդեցությունը աշակերտների վրա, ինչպես նաև դասավանդման արդյունավետությունը:

Նոյեմբերի 6-ին ռեկտոր Ռուբեն Միրզախանյանն ընդունեց հերթական պատվիրակությանը՝ Ուզբեկստանի Կրթության և գիտության նախարարության և Շախմատի ֆեդերացիայի ներկայացուցիչներին՝ խամուտով Ուշկուն Իրիսվակիչին, Սաբիրով Ֆարիտադ Շավկատովիչին, Բայնուրատովա Սևարա Նեմատ Կիզին, Խայլան Մամատկուլ ժունակիչին, ինչպես նաև շախմատի կրթության հարցերով ազգային խորհրդական Ջերրի Նեշին, ով աշխատում է ԱՄՆ-ի մանկավարժների հետ՝ շախմատի դրական ազդեցությունը դասասենյակում կիրառելու նպատակով: Նա Ալբանա նահանգում իրականացվող «Շախմատը դպրոցում» նախաձեռնության հիմնադիրն է, ինչպես նաև վարում է այդ նախաձեռնության կողմից իրականացվող վերապատրաստում- >3

ՍՄԲԱՏ ԼՊՈՒՏՅԱՆԸ՝ ՖԻԴԵ-Ի ԸՆԵՋՆԱԺՈՂՈՎԻ ՆԱԽԱԳԱԸ



ՀՊՄՀ շախմատի և սպորտի անբիոնի վարիչ, Հայաստանի շախմատի ֆեդերացիայի փոխնախագահ, Հայաստանի շախմատի ակադեմիայի հիմնադիր Սմբատ Լպոտյանը նշանակվել է ՖԻԴԵ-ի «Շախմատը կրթական համակարգում» հանձնաժողովի նախագահ:

ԳԵՍՊՈՒՆՆ ԱՅՅԵԼԵՑ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

➤ 1 գարանում, ծանոթացան պատմությանն ու ժամանակագրությանը, հանդիպեցին բուհի պրոֆեսորադասախոսական կազմի և ուսանողների հետ:

Ռեկտոր Ռուբեն Միրզախանյանը ողջունեց դեսպանին մանկավարժական մայր բուհում հյուրընկալվելու առթիվ և մաղթեց արդյունավետ գործունեություն: Համալսարանի ղեկավարը հույս հայտնեց, որ երկու երկրների հարաբերությունները կամրապնդվեն և կունենան լավ արդյունքներ:

«Մենք մեծ պատասխանատվությամբ ենք վերաբերվում վերապատրաստումներին: Կա մի առանձնահատկություն, որ ՀՊՄՀ-ի դիմորդների շուրջ 75%-ը մարզերից են և, ավարտելով բուհը, նրանք վերադառնում են և

դասավանդում այդ տարածքների դպրոցներում:

Ռուսական բուհերի հետ համագործակցությունը մեզ համար ունի կարևոր նշանակություն՝ հատկապես ռուսաց լեզվի դասավանդման որակը բարելավելու տեսանկյունից», -ասաց ռեկտորը՝ ընդգծելով, որ գործնական և արդյունավետ հարաբերություններ են հաստատվել ռուսական մի շարք հաստատությունների հետ:

Ռուբեն Միրզախանյանն անդրադարձավ նաև «Ամառային դպրոց» միջազգային ծրագրին, որի շրջանակներում վերոնշյալ համալսարանների հետ իրականացվել է ուսանողների փոխանակում:

«Ուսանողների և պրոֆեսորադասախոսական կազմի հետ

հանդիպումից առաջ ես այցելեցի համալսարանի թանգարան: Ուրախ եմ, որ այնտեղ տեսա անցյալը՝ պատմական բովանդակությամբ, այստեղ տեսանելի է դասավանդողների մեծ ավանդը կրթության գործում դեռ խորհրդային տարիներին և հայռուսական փոխգործակցությունը: Ընդհանրապես եմ, որ մեր համատեղ անցած ճանապարհի պատմությունը պահպանում էք ձեր թանգարանում:

Մենք ապրում ենք նոր իրականությունում՝ որպես Անկախ պետությունների համագործակցության երկրների ընտանիքի անդամ, ուստի գործակցության նոր ուղղությունների ու հնարավորությունների ձանապարհով երկուստեք ներկայացնում ենք միմյանց հետաքրքրություններն ու

շահերը, փորձում հաջողությամբ համագործակցել», -ասաց դեսպանը:

Ես այցելել եմ Հայաստանի մի շարք բուհեր և դպրոցներ, ուր լսել եմ բազմաթիվ մտահոգությունների մասին: Խնդիրները շատ են, սակայն պրակտիկական ցույց է տվել, որ արդյունավետ համագործակցելու պայմաններում դրանք լուծելի են և ցանկության դեպքում կարելի է հասնել արդյունքների: Պետք է որոնել խնդիրների լուծման նոր մեխանիզմներ և ուղիներ:

Ես կարծում եմ դեսպանի իմ առաքելությունն է աջակցել ձեզ և ձեզ հետ միասին պահպանել այն, ինչ ձեռք ենք բերել երկու երկրների համատեղ անցած ճանապարհի ընթացքում:



Ներկայացվեց ERASMUS+ BOOST ծրագրի ընթացքը

Մանկավարժական համալսարանի ռեկտորատի նիստում ներկայացվեց ERASMUS+ BOOST հայաստանյան համալսարանների միջազգայնացման ռազմավարության և մարքեթինգի խթանում ծրագրի ընթացքը:

Ծրագիրը, որի համակարգողը Խ. Աբովյանի անվան հայկական պետական մանկավարժական համալսարանն է, նպատակ ունի նպաստել և խրախուսել ՀՀ բարձրագույն կրթության հետագա միջազգայնացումը՝ մշակելով ազգային և ինստիտուցիոնալ քաղաքականության համապատասխան շրջանակ և գործիքակազմ:

Ռեկտորատի անդամները ծանոթացան ծրագրի խնդիրներին, ինչպես նաև մինչ օրս կատարված աշխատանքներին, մասնավորապես՝ ուսումնասիրվել է բարձրագույն կրթության միջազգայնացման եվրոպական և հայաստանյան բուհերի փորձը, առկա ռեսուրսները և խոչընդոտները, քննարկվել և առանձնացվել են ՀՀ բարձրագույն կրթության միջազգայնացման խնդիրները, մշակվել ՀՀ

բուհերի միջազգայնացման համար բեմքնարքինգի ցուցիչները:

Ծրագրի շրջանակներում բարելավվել են համալսարանների միջազգայնացման ռազմավարական ծրագրերը, հավաքագրվել ՀՀ և ԵՄ մասնակից բուհերի միջազգայնացման լավագույն փորձը:

Բուհի միջազգային համագործակցության բաժնի ղեկավար Մարիանա Զարոյանյանը ռեկտորատի անդամներին ներկայացրեց մաև ծրագրի շրջանակներում նախատեսված անելիքները՝ առանձնացնելով ՀՀ բարձրագույն կրթության միջազգայնացման համար ազգային հարթակի մշակումն ու բեմքնարքինգի ցուցիչների ինտեգրումը, հայաստանյան մասնակից բուհերի միջազգային համագործակցության բաժնի ստեղծումը, աշխատանքների բարելավումը՝ գործառնությունների սահմանման և անհրաժեշտ ընթացակարգերի մշակման և ներդրման միջոցով: Մարիանա Զարոյանյանն առաջիկա անելիքներում կարևորեց նաև մասնակից հաս-

տատությունների կարողությունների զարգացումը, այլ բուհերի միջև փորձի տարածումն ու ինստիտուցիոնալ մարքեթինգային ռազմավարությունների մշակումը:

Նշենք, որ ERASMUS+ BOOST ծրագրի հայաստանյան գործընկերներն են Հայաստանի ամերիկյան, Շիրակի պետական, Վանաձորի Չովհաննես Թումանյանի անվան պետական համալսարանները, Երևանի Կոմիտասի անվան պետական կոնսերվատորիան, Կրթության և գիտության նախարարությունը, Ակադեմիական փոխճանաչման և շարժունության ազգային տեղեկատվական կենտրոնը:

Մանկավարժական համալսարանի ռեկտոր Ռուբեն Միրզախանյանն ընդունեց Եվրոմիության, կրթության և մշակույթի Բյուսելյան գործադիր գործակալության ծրագրերի պատասխանատու Բելեն Էնկիսոյին, Էրազմուս+ ծրագրի հայաստանյան գրասենյակի համակարգող Լանա Կառլովային և նույն գրասենյակի մասնագետ Էդիթ Սողոմոնյանին:

Ռեկտորն իր գոհունակությունը հայտնեց ծրագրի համակարգումը Մանկավարժական համալսարանին վստահելու համար և ընդգծեց, որ բուհը ծայրաստիճան կարևորում է ծրագրի բովանդակությունը: Նա նշեց, որ բուհական համակարգի, մասնավորապես՝ ՀՊՄՀ-ի զարգացման համար կա երկու կարևոր հանգամանք՝ հաստատությունը հետազոտական ինստիտուտ դարձնելն ու բուհերի միջազգայնացումը, որը բարձրագույն կրթության զարգացման գերխնդիրն է:

«Ծրագիրն արդիական է և հետաքրքրություն է ներկայացնում մեր երկրի ողջ կրթական համակարգի համար: Մեր բուհն այդ ուղղությամբ որոշակի հաջողություններ և առաջընթաց ունի. միջազգայնացման ուղղությամբ եղել են որոշ ծրագրեր, որոնց համա-

կարգողը ևս եղել է Մանկավարժական համալսարանը», -նշեց ռեկտորն ու հավելեց, որ առաջնորդվելով ձեռքբերումներն ավելացնելու սկզբունքով, բուհը կարևորում է ծրագրի շրջանակներում ընդհանուր հարթակի ստեղծումը, կոնֆերանսների անցկացումը, որոնց ընթացքում ձեռք են բերվում կոնկրետ պայմանավորվածություններ և ձեռնարկվում գործնական քայլեր: Խոսելով միջազգային ծրագրի համակարգող ինելյու փորձից՝ ռեկտորն առանձնացրեց արդյունքները, մասնավորապես՝ մագիստրոսական կրթության համակարգում «Կրթության կառավարում մասնագիտության ներդրումը»:

Հյուրերը շնորհակալություն հայտնեցին ընդունելության համար և կարևորեցին ՀՊՄՀ-ի մասնակցությունը միջազգային տարբեր ծրագրերին: Հայաստանում Էրազմուս + ծրագրի հայաստանյան գրասենյակի համակարգող Լ. Կառլովան ևս բարձր գնահատելով Մանկավարժական համալսարանի հետ համագործակցությունը՝ հույս հայտնեց՝ համագործակցության այն ցանցը, որ ակնկալվում է ստեղծել, կլինի արդյունավետ:

Բելեն Էնկիսոնն ընդգծեց, որ Հայաստանից շատ են ծրագրին դիմողները և հավելեց՝ Մանկավարժական համալսարանը լուրջ է մոտենում, ինչով պայմանավորված էլ նա ծրագրի հաջող համակարգողն է. «Հաշվի առնելով ՀՊՄՀ կառուցողական մոտեցումն ու արդյունավետ համակարգումը՝ կխրախուսեմ, որ դիմե՛ք նաև այլ համանման ծրագրերի: Մանկավարժական համալսարանի մասնակցությունն ու ծրագրերի համակարգումը հիանալի և հաջողված փորձ է», - հավելեց Բելեն Էնկիսոնը:

Քրիստինե ՄԵԼՆՈՆՅԱՆ

ՄԵՐ ՓՈՐՁՆ...

➤ 1 ներքև: Նա հյուրերին ներկայացրեց Մանկավարժական համալսարանի գործունեությունը, առաջնահերթությունները, ընդգծեց, որ բուն իր ուսանողների թվով համրապետությունում երկրորդն է:

«Մեր երկիրն առաջինն է, ուր շախմատը դպրոցում պարտադիր առարկա է, դրանով էր մեծապես պայմանավորված Շախմատի ինստիտուտի բացումը Մանկավարժական համալսարանում, ուր հետևողական հետազոտական աշխատանք են կատարում բուհի տարբեր մասնագիտությունների ուսանողներ՝ մեթոդիստներ, հոգեբաններ, սոցալատոլոգներ»,-ընդգծեց ռեկտորը՝ հավելելով, որ ինստիտուտում հետևողական աշխատանքներ են տարվել լաբորատորիայի ստեղծումից մինչև ինստիտուտի բացումը:

Ռեկտորը հյուրերին հպարտորեն ներկայացրեց, որ շախմատի դասավանդումը մեր երկրի կրթական բրենդն է, և որ դասավանդման ոլորտում մենք առաջնորդող ենք: Պարբերաբար անցկացվող գիտաժողովներն էլ դառնում են փորձի փոխանակման լավագույն հարթակ՝ առավել ընդգրկում ու հետաքրքիր դարձնելով շախմատի ուսուցումն ու դասավանդումն մեր փորձն ու հաջողությունները:

Գիտության գծով պրոռեկտոր Սրբուհի Գևորգյանը հանգամանորեն ներկայացրեց բուհում շախմատի ուղղության զարգացման ընթացքը և ձեռքբերումները, ուսումնասիրությունների վերլուծման համար կիրառվող մեթոդներն ու նեսանիզմները:

Երկուստեք ծավալվեց գործնական խոսակցություն:

Հյուրերը նախ փորձեցին հասկանալ շախմատը գիտություն է, սպորտ, թե՞ արվեստ, ապա իրենք էլ պատասխանեցին՝ բոլորը միասին վերցրած խելքի, գեղեցկության, մտքի վարժանքի միասնություն: Նրանք իրենց հիացմունքն արտահայտեցին մեր երկրում իմաստուն խաղի դասավանդման վերաբերյալ, ապա այցելեցին Շախմատի ինստիտուտ և տեղում առավել հանգամանորեն ծանոթացան գործունեությանը: Նրանք հետաքրքրվեցին տվյալների վերլուծությամբ, կիրառման մեթոդներով ու նեսանիզմներով, իրականացված սոցիոլոգիական հարցումներով, առաջիկա աշխատանքների տեսլականով:

Օրեցօր ավելի քան պարզ է դառնում, որ հանրակրթական ոլորտում շախմատի ներդրման մեր փորձը հետաքրքրում է աշխարհին, և մենք մեր փորձով ու գիտելիքներով ներկայանալի ենք ու հետաքրքիր:

Սիլվա ԱՍՐՅԱՆ

ՀՊՄՀ Պատմության և իրավագիտության ֆակուլտետի դասախոս, պատմական գիտությունների դոկտոր Խաչատուր Ստեփանյանը և ֆակուլտետի նախկին դասախոս, ԳԹԿ աշխատող Արմեն Ասրյանը նոյեմբերի 9-10-ը Ֆրանսիայի Լիոն քաղաքում մասնակցեցին Հայաստանի Հանրապետության ստեղծման և Առաջին աշխարհամարտի ավարտի 100-ամյակներին նվիրված միջազգային գիտաժողովին:

Բարձր մակարդակով կազմակերպված գիտաժողովին մասնակցում էին աշխարհի տարբեր երկրներից հրավիրված շուրջ 20 հայ և օտարազգի գիտնականներ: Ներկայացվեցին բարձրակարգ գեղուցումներ ՀՀ ստեղծման, կայացման, տարածքային ու դիվանագիտական խնդիրների, ինչպես նաև Մերձավոր Արևելքում Առաջին աշխարհամարտի ընթացքում և նրանից հետո ծավալված ռազմաքաղաքական իրադարձությունների, ժողովրդագրական փոփոխությունների և մի շարք այլ խնդիրների վերաբերյալ:

Գիտաժողովը կազմակերպվել էր Լիոնի և նրա շրջակայքի հայ մշակույթի զարգացման կազմակերպության կողմից՝ համագործակցությամբ Բուլլոնյան հիմնադրամի և Կովկաս կենտրոնի: Գիտաժողովի նախաձեռնողն ու համակարգողն էր ֆրանսահայ ազգային-հասարակական գործիչ, հայրենասեր Հիլտա Չոպոյանը: Պատմական գիտությունների թեկնածու, դոցենտ Արմեն Ասրյանը ներկայացրել է ՀՀ ստեղծման պատմությունը և նրանում



ՄԱՍՆԱԿՑԵՑԻՆ ԼԻՈՆՅԱՆ ԳԻՏԱԺՈՂՈՎԻՆ

Արամ Մանուկյանի առանցքային ներդրումը: Մասնավորապես նա նշել է, որ Հանրապետությունը ստեղծվել է բացառապես 1918թ. մայիսին Սարգսյանապատում, Ապարանում և Ղարաքիլիսայում թուրք զավթիչներին հասցրած ջախջախիչ հակահարվածի շնորհիվ, և որ Մայիսյան հերոսամարտերի կազմակերպման և Հանրապետության ստեղծման, ինչպես նաև Հանրապետության պետականաշինության գործում Արամ Մանուկյանն ու-

նեցել է առանցքային դեր՝ պատմության մեջ հավերժանալով իբրև Հանրապետության հիմնադիր:

Հայոց պատմության ամբիոնի դասախոս, դոկտոր Խ. Ստեփանյանի զեկույցը վերաբերել է ՀՀ հիմնադիր հայրերին: Ջեկույցող ներկայացրել է Հ. Քաջազունու, Ա. Խատիսյանի, Ավ. Ահարոնյանի, Ռուբեն Տեր-Մինասյանի, Ավ. Սահակյանի նվիրվածությունը հայ ժողովրդին և նրանց ներդրումը Հանրապետության կյանքում:

Ամփոփեցին օլիմպիադան

Տարիներ առաջ Պատմության և իրավագիտության ֆակուլտետը նախաձեռնեց և անցկացրեց դպրոցականների հանրապետական օլիմպիադա պատմություն առարկայից: Այսօր արդեն օլիմպիադայի անցկացումն ավանդական է դարձել և տարեցտարի առավել շատ դպրոցների աշակերտների է ընդգրկում:

Նոյեմբերի 9-ին ֆակուլտետում ամփոփվեցին «Հայոց պատմություն» առարկայից հանրապետական հերթական օլիմպիադայի արդյունքները: Այս տարի օլիմպիադային մասնակցել են Երևանի և մարզերի 88 միջնակարգ և ավագ դպրոցների 11-րդ և 12-րդ դասարանների 207 դպրոցականներ:

Պատմության և իրավագիտության ֆակուլտետի դեկան Էդգար Հովհաննիսյանը շնորհավորեց մասնակիցներին, նրանց ծնողներին և ուսուցիչներին, ապա հավաստագրեր հանձնեց յուրաքանչյուր տարիքային խմբում բարձր միավորներ հավաքած և լավագույն



տասնյակի մեջ հայտնված աշակերտներին, որոնք նաև ՀՊՄՀ վերոհիշյալ ֆակուլտետ ընդունվելու դեպքում կօգտվեն ուսման վարձի որոշակի զեղչերից:

Առավելագույն միավորներ ստացած 3-ական մասնակիցներն էլ արժանացան թանկարժեք նվերների և 30-50 տոկոսի չափով զեղչից օգտվելու հնարավորության:

Դեկանը շնորհակալություն հայտնեց աշակերտներին պատմություն առարկայից լավագույն գիտելիքներ ցուցաբերելու

համար և կարևորեց համալսարան-դպրոց կապը:

Համագործակցությունը երկուստեք շահեկան է. ուսանողները ծանոթանում են բուհի մասնագիտություններին՝ ճիշտ կողմնորոշվելու մասնագիտության ընտրության հարցում, համալսարանն էլ ներկայացնում է բուհի և նրա մատուցած մասնագիտությունների առավելություններն ու հնարավորությունները՝ իրագրելով, սակայն ընտրության հնարավորությունը թողնելով աշակերտներին:

ՄԵԿՆԱՐԿԵԼ Ե ՄԱԹԵՄԱՏԻԿԱՅԻ ՀԱՄԱԼՍԱՐԱՆԱԿԱՆ ՄՐՑՈՒՅԹ-ՕԼԻՄՊԻԱԴԱՆ

Մանկավարժական համալսարանի Մաթեմատիկայի, ֆիզիկայի և ինֆորմատիկայի ֆակուլտետում նոյեմբերի 14-ին մեկնարկեց մաթեմատիկայի մրցույթը: Ֆակուլտետում արդեն երկրորդ տարին է, ինչ անց է կացում նման մրցույթ, որին մասնակցում են Երևանի, Գյումրու և տարբեր մարզերի ավագ դպրոցների 11-12-րդ դասարանների աշակերտներ: Այս տարի մասնակիցների թիվը 180 է: Ի դեպ, մրցույթին մասնակցում են նաև մաթեմատիկայի մասնագիտացված դպրոցների աշակերտներ, որոնք հետաքրքրություն են հանդես բերել համալսարանական մրցույթի հանդեպ և փորձում են իրենց գիտելիքները կիրառել, ինչը, անշուշտ լավագույն փորձությունն է բուհի դիմելուց առաջ:

Համալսարանական տարբեր լսարաններում իրենց կրտսեր ընկերների աշխատանքին հետևում են ուսանողները:

Դպրոցականները պետք է կարողանան հաղթահարել տրված հինգ խնդիր-առաջադրանքը, իսկ հաղթողները Մանկավարժական համալսարան ընդունվելու դեպքում կօգտվեն ռեկտորատի կողմից սահմանված զեղչերից:



Պրոֆեսոր Հանես Միքայելյանի կարծիքով մրցույթը կիսբանի աշակերտների հետաքրքրությունը բուհի Մաթեմատիկայի, ֆիզիկայի և ինֆորմատիկայի ֆակուլտետ դիմելու համար և կբարձրացնի դիմողների իրազեկվածության

մակարդակը:

«Հաջորդ տարի պետք է փոխենք մրցույթի բովանդակությունը,-գրույցի ընթացքում ասում է պրոֆեսորը,-քանզի մաթեմատիկայի հիմքում սոսկ մաթեմատիկական գիտելիքը չէ: Դպրոցական մաթեմատիկայի հիմքում լեզուն է, գրականությունը, գեղագիտությունը, և աշակերտին միայն մաթեմատիկական խնդիր լուծելու առաքելություն չունի այդ առարկան դասավանդող ուսուցիչը: Նա պետք է աշակերտի առաջ բացի մաթեմատիկական աշխարհի հիմքում գոյություն ունեցող գեղագիտական միջավայրը և սովորեցնի շփվել այդ միջավայրի հետ»:

Օլիմպիադաների ու մրցույթների կազմակերպումը շարունակական է. առջևում ֆիզիկա և ինֆորմատիկա առարկաների օլիմպիադաներն են: Դպրոցականներն ամենայն լրջությամբ են վերաբերվում այս մրցույթներին. միգուցե վաղը նրանցից շատերն այս լսարանների դռները կբացեն արդեն որպես համալսարանի ուսանողներ:

ՃԱԿՈՒՄԵՆՏԵՐԻ ԼԱՎԱԳՈՒՅՆ ՈՒՍԱՆՈՂՆԵՐԸ ՀԱՅՏՆԻ ԵՆ



Ամալյա Սուքիասյանը Տավուշի մարզի Տավուշ քաղաքից է: Ավարտել է վիրտուալ համալսարանը, ապա ընդունվել Մանկավարժական համալսարանի Բանասիրական ֆակուլտետ: Այժմ կուրսի ուսանողուհի է և ճանաչվել է ֆակուլտետի այս ուսումնական տարվա լավագույն ուսանող:

ԱՆՇՆԴԵԱՏ ՓՈՐՁՈՒՄ ԵՄ ԵՎՍ ՄԵԿ ԶԱՅԼ ԱՆԵԼ

- Ամալյա, ինչո՞ւ ընտրեցիր հենց այս ֆակուլտետը. որևէ մեկը ուղղորդե՞ց, թե՞ դա քո որոշումն էր:

- Մանկուց ստեղծագործել եմ, մայրիկս աշխատում էր քաղաքային գրադարանում, և իմ առօրյան սերտորեն կապված էր գրքերի հետ: Սիրում էի ստեղծագործել, սիրում էի գրականությունը և իմ ընտրությունը, կարելի է ասել, կապված է ոչ միայն ստեղծագործելու, այլև գրականագիտության հանդեպ իմ հետաքրքրությունների հետ: Մանկուց ուսումնասիրել եմ հայ և համաշխարհային գրականությունը, թեև գրականությունը մի օվկիանոս է, որի մեջ կարելի է ամընդհատ սուզվել և նորանոր բացահայտումներ անել:

- Ունե՞ս սիրելի գիրք:

- Էքզյուների «Փոքրիկ իշխանը», Ռեմարկի «Հաղթական կամար»-ը... Շատ են այն գրքերը, որոնք ինձ համար առաջին հորիզոնականում են, և դժվարանում են մեկը մեկը լավագույնները շատ են:

- Դու գրում ես Բրայլյան համակարգով... Ինչպե՞ս ես կարդում:

- Ես օգտվում եմ համակարգչային հատուկ ծրագրերից, տեքստի ձայնը տալիս են և համակարգիչը կարդում է... Նաև տեքստեր են գրում համակարգչի միջոցով, խմբագրում են և ուղարկում...

- Ես տեղեկացա, որ դու հիանալի տիրապետում ես անգլերեն լեզվին. նորից համակարգչից ես օգտվում...

- Դպրոցում լավ եմ սովորել, խորացրել եմ ինքնակրթությամբ, ամենօրյա աշխատանքով, տարբեր ձեռնարկներից եմ օգտվել, շատ բաներ եմ սովորել, քարգնացություններ եմ արել...

- Քո մասին ուրիշ ի՞նչ կպատմես...

- Ծնվել եմ Տաշիրում: Ավարտել եմ Տաշիրի N1 միջնակարգ դպրոցը, այնուհետև տեղափոխվել եմ Երևան՝ 8-11-րդ

դասարանները սովորել N14 տեսողական խանգարումներով երեխաների հատուկ դպրոցում:

Արդեն ասացի, որ սիրում եմ ստեղծագործել, սիրում եմ անգլերեն լեզուն, իհարկե մայրենիից հետո... Որովհետև անգլերենը հնարավորություն է տալիս կարդալ շատ գրքեր, որոնք դեռ քարգնամված չեն, և լսել երգեր, իհարկե համակարգչի միջոցով: Համակարգիչը և անգլերեն լեզուն լայն հնարավորություններ են բացում իմ առաջ՝ շփվելու աշխարհի հետ, ավելի իմանալու...

- Նկատելի է կրթության հանդեպ քո մոտեցումը. դու ավարտել ես վիրտուալ համալսարանը, այժմ էլ գերազանց առաջադիմություն ես ցուցաբերում Մանկավարժական համալսարանի Բանասիրական ֆակուլտետում:

- Ինձ համար կրթությունը բացարձակ արժեք է, ես այն շատ եմ կարևորում: Եվ ձգտում եմ կրթության մեջ ավելի իմ հասնել: Անընդհատ փորձում եմ ևս մեկ քայլ անել՝ զարգացնելու իմ կրթական մակարդակը:

- Ամալյա, ակնկալո՞ւմ էիր, որ հաղթող կճանաչվես, կդառնաս ֆակուլտետի լավագույն ուսանողը:

- Յուրաքանչյուր դիմող մրցույթից ակնկալում է ինչ-որ բան: Ամեն ինչ կախված է քվեարկությունից, ուսանողների ընտրությունից: Իմ մրցակիցն էլ լավ տվյալներ ուներ: Չեմ ուզում ինքնագնահատական տալ... Միգուցե ինձ մի քիչ ավելի գնահատեցին ընտրողները՝ հաշվի առան իմ ստեղծագործելու ձիրքը, գերազանց առաջադիմությունը, ակտիվությունը, գիտական հետազոտությունները... Վերջերս Սփյուռքե գիտաուսումնական կենտրոնում ֆրանկոֆոնյան օրերին նվիրված գիտական ընթերցումների ժամանակ ես ներկայացրի «Վիկտոր Զյուգոյի Փարիզի աստվածամոր տաճարը» վեպի կերպարները

զեկուցումը:
- Գիտակրթական ուղղվածությունից զատ ուրիշ ի՞նչ ես սիրում, ինչո՞ւ ես զբաղվում...

- Վերը թվարկածներս խլում են իմ ամբողջ ժամանակը: Սիրում եմ ռադիո լսել, զբաղվել ինքնագարգացմամբ:

- Քեզ մոտ կամային որակները շատ բարձր են... Մարդու մեջ ի՞նչն է գնահատում ամենից շատ:

- Ազնվությունը, համառությունը և կրթության հանդեպ սերը:

- Լավ ընկերներ ունե՞ս, նրանք օգնո՞ւմ են քեզ...

- Այո, եթե հարկ է լինում, բայց ես սիրում եմ ինքնուրույն անել ամեն ինչ՝ համակարգչի միջոցով: Բրայլյան համակարգից օգտվել եմ, բայց համակարգիչն այդ համակարգից 100 քայլ առաջ է...

- Ի՞նչ ստեղծագործություններ ունես:

- Գրում եմ արձակ, թարգմանում եմ անգլերեն:

- Ինչ էս կարծում՝ 10 ֆակուլտետների լավագույնների հետ կարո՞ղ ես մրցակցել և հաղթել:

- Չգիտեմ, որովհետև ծանոթ չեմ նրանց հնարավորություններին:

- Ի՞նչ է քեզ համար հայրենիքը: Կապրե՞իր ուրիշ երկրում:

- Միգուցե, եթե հնարավորություն տրվեր: Հայրենիքը միայն տարածք չէ, որի վրա ապրում ես, հայրենիքին նվիրվածությունը ապացուցվում է գործով՝ որտեղ էլ լինես:

- Կուզե՞իր թերթի միջով բարձրաձայնել որևէ խնդրի մասին: Կա՞ն խնդիրներ քո ուսանողական առօրյայում:

- Ես միայն հիացած եմ այս ֆակուլտետի պրոֆեսորադասախոսական կազմով: Հաճելի մթնոլորտ է: Դասախոսները ուսանողակենտրոն են:

- Կշարունակե՞ս մագիստրատուրան բակալավրիատն ավարտելուց հետո:

- Դեռ ժամանակ կա մտածելու: Հավելեմ, որ 1910-12 թվականներին ավարտել եմ վիրտուալ համալսարանի հայոց պատմության բաժինը:

- Այնուամենայնիվ, ո՞վ կամ ի՞նչն է քեզ օգնում դժվար պահերին:

- Սերը կյանքի, ընտանիքի, հայրենիքի, կրթության հանդեպ և մայրիկս, որը միշտ իմ կողքին է:

- Շնորհակալ եմ հարցազրույցի համար: Շնորհավորում եմ ֆակուլտետում լավագույն ուսանող ճանաչվելու կապակցությամբ: Մաղթում եմ, որ քեզ միշտ ուղեկցի հաջողությունը, որ քո կամային հատկանիշները երբեք չկորցնես և միշտ առաջ գնաս:

Զրույցը՝ Սիլվա ԱՍՐՅԱՆԻ



ԼՈԳՈՊԵԴԻԱ. ԲԱՅԱՌԻԿ ՄԱՍՆԱԳԻՏՈՒԹՅՈՒՆ

Հատուկ և ներառական կրթության ֆակուլտետի դասախոսները և ուսանողները նշեցին լոգոպեդի օրը: Հավաքը նպատակ ուներ ոչ թե հաջողություններն արձանագրել, այլ մարտահրավերներին միասին դիմակայելու ուղիներ գտնել:

Ֆակուլտետի դեկանը խոսեց լոգոպեդի մասնագիտության կարևորության մասին, մասնագիտություն, որի հիմքում մարդն է և նրա խոսքը: Լոգոպեդները կոչված են շտկելու խոսքային խանգարումները, իսկ մասնագիտությունն առնչվում է տարբեր ոլորտների՝ բժշկությանը, հոգեբանությանը, կենսաբանությանը և լեզվաբանությանը:

«Բնության մեջ միայն մարդուն է բնորոշ խոսքը, որն ունի անսահման ու բազմապիսի գործառույթներ: Մեր մասնագիտությունը ամենամարդասիրական մասնագիտություններից է: Եվ քանի որ լոգոպեդիան առնչվում է տարբեր ոլորտների, մենք պետք է բաց լինենք համագործակցության մեջ:

Խնդիրը համամարդկային է, Մենք կոչված ենք օգնելու այն մարդկանց, ում խոսքը չի ձևավորվում կամ խաթարվում է. մենք պետք է կարգավորենք մարդկային խոսքի խաթարումը և օգնենք մարդու լիարժեք սոցիալիզացիային», -ասաց ֆակուլտետի դեկան Սիրանուշ Կարապետյանը՝ ներկաներին շնորհավորելով մասնագիտական օրվա առթիվ:



Դեկանը հավելեց, որ մասնագիտության հենքը մանկավարժությունն է, որ լոգոպեդն իր աշխատանքում կիրառում է մանկավարժական մեթոդներ, նաև՝ բժշկական և հոգեբանական գիտելիքներ:

Այազա լոգոպեդներին շնորհավորեց ամբիոնի վարիչ, գիտությունների կրողներ եք, դուք կոչված եք օգնելու մարդուն՝ գտնելու իր տեղը հասարակության մեջ և, կարելի է ասել, դուք արդեն գտել եք ձեր տեղը կյանքում:

Լոգոպեդիա մասնագիտության 1-ին կուրսի ուսանողները ուսանողուհի Ա. Արասարյանի նախաձեռնությամբ ներկայացրին տեսասահիկ մասնագիտության առանձնահատկությունների մասին՝ փաստելով, որ «Լեզուն մարդկային հաղորդակցության կարևոր միջոց է, և լոգոպեդիան գիտություն է խոսքի խանգարման, դրա շտկման և կարգավորման մասին, մարդկությունը մասնագիտության մասին առաջին քայլերն արեց 19-րդ դարի վերջին, իսկ այսօր արդեն այն արագ զարգացող գիտություն է: Ուսանողները թվարկեցին լոգոպեդիայի կապը այլ ոլորտների հետ, խոսեցին լոգոպեդական միջամտություններում մանկավարժական մեթոդների կիրառման մասին, բարձրաձայնեցին, թե ինչու են ընտրել այդ մասնագիտությունը, շնորհավորեցին միմյանց, կոչ արեցին՝ լինել բարի, համբերատար, լայնախոհ ու ինքնակատարելագործվող: Նաև խոստովանեցին՝ թեև նոր են ընտրել մասնագիտությունը, բայց հասցրել են սիրել և լավ մասնագետներ դառնալու համար պետք է լինեն վերոհիշյալ որակների կրողներ»:

Լոգոպեդի մասնագիտության տեղեկացվածության մակարդակի մասին զեկուցումով հանդես եկավ ֆակուլտետի լավագույն ուսանող ճանաչված Արասյա Լորդոյիչը, որը սոցիոլոգիական վերլուծություններ էր արել Երևանում և Հայաստանի չորս մարզերում:

Օրը շարունակվեց մասնագիտական քննարկումներով և մարտահրավերներին դիմակայելու համատեղ առաջարկներով:

Շնորհավոր տոնդ, լոգոպեդ:

Սիլվա ԱՍՐՅԱՆ



Նոնա Պողոսյանի պոեզիայի նրբանցքներում

Բանասիրական ֆակուլտետի հյուրը Հայաստանի գրողների միության անդամ, ՀՀ ԶՈՒ փոխգնդապետ Նոնա Պողոսյանն էր, ով հեղինակ է վեց բանաստեղծական ժողովածուների: Հանդիպումը կազմակերպել էր հայ հին և միջնադարյան գրականության և նրա դասավանդման մեթոդիկայի ամբիոնը:

«Հայ գրականությունն իր դարավոր պատմության մեջ հարուստ է կին բանաստեղծուհիների անուններով», - նկատում է պրոֆեսոր Ալիսա Գուլիսյանյանն ու հավելում. «Ինչպես Ավետարանն է ասում. «Բազում են կանչվածները, բայց սակավ են ընտրյալները»: Նոնա Պողոսյանը ընտրվել է, որովհետև նրա անցած ուղին բոլորովին նման է ուրիշների անցած ճանապարհին»:

Հյուրը ողջունեց ներկայից իր պոեզիայի շնչով ոգևորված ուսանողներին ու դասախոսներին: Խոսելով իր կյանքի ճանապարհի մասին՝ բանաստեղծուհին ասում է. «Պետք է չվախենալ ու ճիշտ ժամանակին և ճիշտ տեղում շրջադարձ անել»:

Եռանկյունու վերածված կյանքի ընթացքում կիբեռնետիկական, բանաստեղծական արվեստն ու զինվորականի գործը թեև միմյանց անհաղորդ, սակայն մշտապես ուղեկից են եղել Նոնա Պողոսյանին: Նրա պոեզիան համակված է ռազմական ոգով, հայրենի երկրի սիրով, լուսավոր երանգներով և քնարական շեշտադրումներով:

Բանաստեղծուհին պատասխանեց ներկայից հետաքրքրող հարցերին, ներկայացրեց իր ստեղծագործություններից որոշ հատվածներ: «Եթե որևէ ազգի կանայք անձնվեր են հայրենիքի շահերի խնդրում, ապա այդ ազգն ունի հարատևելու երաշխիքներ: Նոնա Պողոսյանի պոեզիան հայրենասեր կնոջ պոեզիա է»,- մշտն է պրոֆեսոր Ա. Գուլիսյանյանը՝ հավելելով. «Նոնա Պողոսյանն իր ստեղծագործական ծաղկուն շրջանում է և ասելիք ունի: Սպասե՛ք նրա բանաստեղծական նոր գրքերում ներկայացված մանուկուն և առանձին գրքով»:

«Հետաքրքիր ո՞ն է բազմախորհուրդ բանաստեղծություններ», - այսպես է բնութագրում Նոնա Պողոսյանի ստեղծագործության արվեստը գրականագետ Ն. Խաչատրյանը. «Վշտան նրբանցքներում», ուր երջանիկ լինելու հույսը չորացած տերև է, գարնանալի չէ, որ քամիները «սակվեն» ամոթից: Այս ամենն այնքան է խոսում, որ բառերն արդեն ավելորդ են, և լռությունն է դառնում հոգու աղմուկի վկան:


Հետաքրքիր է բանաստեղծուհու խոհ-խորհուրդը»:

Ուսանողների հայացքում տեսանք մեծ հավատ, նոր սպասումներ դեպի գալիքը, իսկ աչքերում՝ լույսի շող, որոնց տանող ճանապարհի երաշխիքը այսօր և եթե բանաստեղծուհի Նոնա Պողոսյանի պոեզիան է, - ասում է դեկանի տեղակալ Ն. Խաչատրյանը, իսկ բանաստեղծուհու ֆեյսբուքյան էջում կարդում ենք հետևյալ գրառումը. «Այս անմոռանալի հանդիպումը, ինձ ուղղված բազում հարցականներով տաք հայացքները դեռ կտանեն օրերիս միջով որպես ինքնաճանաչողության մի դաս, որպես պոեզիայի գործիքով մարդկային շփումներն ավելի անկեղծ ու շիտակ դարձնելու եզակի հնարավորություն... Շնորհակալ եմ...»:

Կառլեն ՆԱԶԱՐՅԱՆ

Այս տարի լրացել է գեղանկարիչ պրոֆեսոր, ՀԽՍՀ արվեստի վաստակավոր գործիչ, ժողովրդական նկարիչ, ԽՍՀՄ ակադեմիայի իսկական անդամ Գրիգոր Գրիգորյանի 100 ամյակը: Այն նշվեց հանրապետության ամենակարևոր ցուցասրահներում և ոչ միայն Հայաստանում: Այդ իրադարձությանը չէինք կարող չհարձաքանքել նաև մենք, քանզի վարպետը դասավանդել է մեր բուհում 1968-1988 թվականներին:

Զարդարյանն իր մասնագիտական կրթությունը ստացել էր մի քանի ուսումնական հաստատություններում՝ Թիֆլիսի գեղարվեստի ակադեմիայում, այնուհետև Երևանի Գեղարդ տեխնիկումում, ուսումնառելով այնպիսի վարպետների մոտ ինչպիսիք են Վահրամ Գալֆեճյանը և Սեդրակ Առաքելյանը: Այնուհետև մեկնում է Լենինգրադ՝ շարունակելու ուսումը Ի. Ռե-



Լավարեսության մեծ վարպետը

պինի անվան գեղարվեստի ակադեմիայում: Նա պատկանում է երկրորդ սերնդի հայ նկարիչներին, որոնք շարունակեցին մեծ Սարյանի գունազգացողության փիլիսոփայությունը, դրանում տեսնելով հայրենի եզերքի անզուգական գեղեցկությունը:

Զարդարյանի աշխատանքները շատ շուտով աչքի են ընկնում իրենց բարձր վարպետությամբ, ինքնատիպ գունազգացողությամբ, անուր գծանկարով: Այս ամենը գերկարևոր էր նկարչի ինքնուրույնության կայացման համար: Զարդարյանի ժամերային միջավայրը բազմազան է՝ ստեղծագործել է և՛ կենցաղային, և՛ դիմանկարի, և՛ նատյուրմորտի, և՛ բնանկարի ժանրերում: Հովհաննես Զարդարյանի ստեղծագործությունները մեր առջև հայտնվում են իրենց մաքուր հմայքով: Հեղինակի ինտելեկտը թույլ էր տալիս նրան կատարյալ չափի զգացողություն և բարձրագույն ազնվական ճաշակ, նրա աշխատանքները ներդաշնակվում են իրենց արտաքին ձևով և խորքային էությամբ, սրանք էին այն հիմնատարրերը, որոնցով հեղինակը արտահայտում էր գեղանկարչի իր էությունը և միջավայրի իր ընկալումը: Վարպետի ստեղծագործությունները ճառագույն են իրենց ներքին լարվածությամբ՝ ստիպելով հանդիսատեսին ներքաշվել այն էմոցիոնալ ներաշխարհը, որը ստեղծել էր հեղինակը իր մտքի և տարադի շնորհիվ: Վարպետի ստեղծագործություններում զգացմունքները բաց են, գույնը բազմազան և այդ բազմազանության մեջ կա զուսպ աշխարհընկալում: Իր ողջ էությամբ հեղինակը պանթիզմի հետնորդ է: Նրա ցանկացած ստեղծագործություն փառքի երգ է հայրենիքին: Վարպետի մթնոլորտը ներշնչում է անվերջություն, ազատություն, վեհություն: Ամեն մի աշխատանք՝ լինի դա սոցիալիզմի սահմաններում կատարված ստեղծագործություն, թե ծննդից հետո ստեղծված, լի են կատարյալ ազնվությամբ և կյանքի հաստատման բնույթով: Այս հեղինակին կարելի է դասել լավատեսության մեծ վարպետների շարքին: Նա երգիչն է կյան-

քի և պատահական չէ, որ Զարդարյանի՝ 40-ականների համար ավանդական թեմայով կատարված ստեղծագործությունը՝ «Սևանգեսի շինարարների հաղթանակը», դարձել էր օրինակելի, դասական նույն շրջանի ստեղծագործությունների շարքում: Հեղինակի «Գարուն» ստեղծագործությունը համարվում է ամենալավատեսականներից մեկը, այն Բրյուսելում արժանացել է մեծ արժաթե մեդալի, նրանում հեղինակը բարձրաձայնեց և՛ երիտասարդությունը՝ և՛ կյանքը, և՛ գարունը, և՛ բնության անզուգական գաղտնիքն ու էությունը. դրանով առաջնորդվեց Վարպետն իր ողջ ստեղծագործական ճանապարհին. «Ազնվությունը արվեստում հոգու ուժն է, այն ամենը, ինչն առատորեն վերցրած է բնությունից, այն մեծ գաղտնարան է անվերջ մտքերի, գույների, իմաստության աղբյուր: Ես հավատում եմ այդ գաղտնարանին և անդադար սովորում նրանից...» - ասում էր նա:

Այս կյանքի նկատմամբ սերը, որը դրսևորվեց գրեթե նույնիսկ ամենափոքր ծաղկի պատկերման մեջ, չէր կարող իր ազդեցությունը չունենալ Վարպետի մանկավարժական գործունեության ընթացքում: Դասավանդելով Երևանի Գեղարվեստա-թատերական ինստիտուտում, հետո էլ Խ. Աբովյանի անվան մանկավարժական ինստիտուտում՝ Վարպետը ունեցել է մեծ ավանդ երիտասարդ նկարիչների կրթության գործում: Հովհաննես Զարդարյանի անվան արվեստանոցի բացումը մանկավարժական համալսարանում շատ կարևոր էր երիտասարդ սերնդի համար: Այն պարտավորեցնող է, և ստիպում է կյանքի նրբագույն թրթռումը մոտենալ Արարչի ստեղծագործություններին՝ Բնությանը, Մարդուն, սիրել այդ ամենը և լինել ազգի արժանապատիվ զավակ: Այնպիսին, ինչպիսին էր տաղանդավոր նկարիչ Հովհաննես Զարդարյանը, ով երգեց կյանքն իր հաստատող արվեստով:

Արմինե ԲԱՂԿԱՍՅԱՆ
Արվեստաբան, արվեստագիտության թեկնածու

Աշոտ Խոեցյան, Չիլոն Մնասն, Լորայ Էլիզարաշվիլի, Տիգրան Բաբայան, Սուսաննա Խաչատրյան, Թոմաս Կոլեր
Պատկերաբան: CDE-ի համար կառ. Կարլ Հերվեգ
Ashot Khoetsyan, Heino Meessen, Nodar Elizbarashvili, Tigran Babayan, Susanna Khachatryan, Thomas Kohler
For the coordination at CDE - Karl Herweg

ԼԵՆԻՆԱՅԻՆ ՏԱՐԱԾՔՆԵՐԻ ԿԱՅՈՒՆ ԶԱՐԳՎՅՈՒՄ ԵՎ ՌԵՍՈՒՐՍՆԵՐԻ ԿԱՌԱՎԱՐՈՒՄ
ՀԵՏԱԶՈՒՍՎԱԾ, ԿԱՌԱՎԱՐՄԱՆ ԿՈՒՐՍՆԵՐԻ ՏԱՐԱԾՐԱԿ

STUDY COURSE ON SUSTAINABLE MOUNTAIN DEVELOPMENT AND RESOURCE GOVERNANCE IN THE CAUCASUS REGION

Դասագիրք բարձրագույն ուսումնական հաստատությունների համար
Text-book for students of higher educational institutions
Երևան 2018 Yerevan

ՀՊՄՅ աշխարհագրության և նրա դասավանդման մեթոդիկայի ամբիոնի վարիչ, աշխարհագրական գիտությունների դոկտոր,

Բուհական եզակի դասագիրք

պրոֆեսոր Աշոտ Խոեցյանի, Շվեյցարիայի Բեռն քաղաքի համալսարանի Զարգացման և շրջակա միջավայրի կենտրոնի ավագ գիտաշխատող դոկտոր Չիլոն Մնասնի, Թբիլիսիի պետական համալսարանի դոկտոր, պրոֆեսոր Լորայ Էլիզարաշվիլիի, ՀՊՄՅ աշխարհագրության և նրա դասավանդման մեթոդիկայի ամբիոնի ԵՏՀ քարտեզագիր, հետազոտող Տիգրան Բաբայանի, աշխարհագրական գիտությունների թեկնածու, ԵՊՀ աշխարհագրության և երկրաբանության ֆակուլտետի դասախոս Սուսաննա Խաչատրյանի, Շվեյցարիայի Բեռնի համալսարանի աշխարհագրության ինստիտուտի և Զարգացման ու շրջակա միջավայրի կենտրոնի պրոֆեսոր, դոկտոր Թոմաս Կոլերի, հեղինակությամբ և CDE-ի համար Կարլ Հերվիցի համակարգմամբ լույս է տեսել դասագիրք բարձրագույն ուսումնական հաստատությունների համար՝ «Լեռնային տարածքների կայուն զարգացում և ռեսուրսների կառավարում» վերնագրով: Այն հետազո-

տական դասընթաց է կովկասյան տարածաշրջանում ստեղծված Հայաստանի և Վրաստանի գործընկեր համալսարանների միասնական հետազոտությունների հիման վրա:

Գիրքն ստեղծվել է 2015-2018 թթ.-ին ՀՊՄՅ-ում իրականացվող SKOPES միջազգային կրթական ծրագրի շրջանակներում:

Գիրքը գրված է հայերեն և անգլերեն լեզվով, տարբեր բաժիններում համազանգորեն ներկայացված են տեսական դրույթներ, կայուն զարգացման մեթոդաբանությանը, գլոբալ ինդեքսի մոնիթորինգին և կայուն զարգացմանը, Կովկասի և Հայաստանի կայուն զարգացման հիմնախնդիրներին վերաբերող ուսումնասիրությունները, ինչպես նաև գետեղված է դաշտային հետազոտությունների անդրգիտակարգային դասակարգումը:

Դասագիրքը նախատեսված է համանուն առարկայական ծրագրի ուսուցման համար: Գրքի գիտական խմբագիրներն են պրոֆեսորներ Աշոտ Խոեցյանը և Տիգրան Բաբայանը, գրախոսները՝ պրոֆեսոր Հովիկ Սայադյանը և Դոնատ Ներսես Սամվելյանը:

նը, գրախոսները՝ պրոֆեսոր Հովիկ Սայադյանը և Դոնատ Ներսես Սամվելյանը:

«Լեռները, տեղաբաշխված լինելով երկրագնդի տարբեր աշխարհագրական գոտիներում, պայմանավորված դրանց ձևավորման ընթացքով և մեկուսացվածության աստիճանով, ինքնատիպ լանդշաֆտների, էնդեմիզմի ու կենսաբազմազանության արժեքավոր կենտրոնացման վայրեր են, - ասված է նախաբանում: ... Հաշվի առնելով երկրի անհամասնակց և տարածքների զարգացումը, յուրացված տարածքները բնութագրող ցուցանիշների խիստ տարբերությունը, բնակեցման և գյուղատնտեսության համար նպաստավոր տարածքների սահմանափակ լինելը, մայրաքաղաքի գերծանրաբեռնվածությունը, երկիրը ներկայացնող լանդշաֆտային բնութագրերի պահպանման ու բարելավմանը դառնում են արդիական և հրամայական պահանջ»:

Հետազոտությունների արդյունքներն ընդգրկող բուհական դասագիրքը միտված է արդիական այդ հիմնախնդիրների լուծման հնարավոր ուղիների ներկայացմանը:

Ավերիք Շակոբյանի հիշատակին

Նոյեմբերի 14-ին Գեղարվեստական կրթության ֆակուլտետում կայացավ ցուցահանդես՝ նվիրված ֆակուլտետի դասախոս Ավերիք Շակոբյանի հիշատակին:

Ավերիք Շակոբյանը համալսարանում գեղանկարչություն է դասավանդել 1977-2018 թվականներին, եղել է հանրապետական, համամիութենական և արտասահմանյան ցուցահանդեսների մասնակից:

Ֆակուլտետում կայացած ցուցահանդեսը կազմակերպվել է ուսանողների նախաձեռնությամբ՝ նվիրված սիրելի դասախոսի հիշատակին: Ցուցադրված աշխատանքները կատարված են վարպետորեն, վստահ, բազմաժանր են, սակայն ամեն մեկը յուրովի ինքնատիպ է և հետաքրքիր:

Ուսանողները երկար կպահեն իրենց մեջ դասախոսի նկարչական ձեռագիրը և կառաջնորդվեն նրա տված դասերով:



ԱՇՆԱՆԱՅԻՆ

Աշունը թախիծ ու տրտմություն է բերում մարդկային հոգուն, ինքն իր հետ մենակ մնալու տրամադրություն, տխուր, բայց միաժամանակ նաև գեղեցիկ զգացողություններ...

ՀՊՄՀ Կուլտուրայի ֆակուլտետի դահլիճում այս անգամ աշնանային զգացողությունների կրողն ու փոխանցողը համալսարանական հիմնական դպրոցի, հենակետային ավագ դպրոց-վարժարանի սաներն էին և Բանասիրական ֆակուլտետի ուսանողները: Համատեղ դաս-միջոցառման ձևաչափը նրանց բոլորին համախմբել էր աշնանային գույների ու նվազների շուրջ: Ներկաները նորից ու նորից ըմբռնեցին Վահան Տերյանի և Հանո

Սահյանի բանաստեղծական աշխարհն զգալու հնայքը, կիթառի մեղմ հնչյունների ներքո լսեցին Ռուբեն Հախվերդյանի աշնանային երգերը:

Մասնակիցներն անփոփեցին. ավարտին մոտեցավ և մեկ սիրո աշուն, «հավատացին ու հավատացրին», որ աշնանը փոխարինելու են ձմեռը, գարունը, ամառը ու նորից աշուն՝ տաք ու շոյալ գույներով, անիրական գեղեցկությամբ... Եվ որ յուրաքանչյուրն իր մեջ պետք է պահի ու գուրգուրի իր կյանքի աշունները...

Ֆակուլտետի դեկան Աշոտ Գալստյանը կարևորեց դասի բոլոր տեսակները, այդ թվում՝ աշնանը նվիրված համատեղ դաս-միջոցառումը՝ որպես բարության, շոյալության ու մարդասիրության դաս:

«Աշունը մեր կյանքի հանրագումարն է», -ասաց դեկանի տեղակալ Նաիրա Խաչատրյանը՝ աշակերտներին և ուսանողներին մաղթելով պայծառ աշուններ և նվիրելով իր ստեղծագործության մի պատառիկ:

Աշունը եկավ և իր հետ բերեց

Անուշ օրհնություն ու անուշ բերկրանք, ու հիմա նախշուն գորգեր է փռել Սար ու ծորերի, դաշտերի վրա: Աշնան շշուկը բյուր իմաստ ունի, Ծով-ծով բարիքի սուրբ տարեմուտ է: Աշունը անո՛ւշ-անո՛ւշ հոգնություն *Սրտիս կրակը, հավատս ունի...*

Պրոֆեսոր Սուրեն Դանիելյանն էլ նկատեց. «Աշնան արևի խորհուրդը հրաժեշտի երանգ ունի, բայց աշնան տրտմությունն ու հնայքը թող գերի բոլորին, տանի իր հետևից, ուղեկցի ողջ կյանքի ընթացքում» և մաղթեց, որ աշնան խորհուրդը յուրաքանչյուրը տեսնի իմաստավորված:

Մասնակիցները շնորհակալություն հայտնեցին ուսուցիչներին և դասախոսներին, նաև իրենց աշնանային գույների շուրջ համախմբած մագիստրատուրայի 1-ին կուրսի ուսանողուհի Աստղիկ Բոյաջյանին:

Սիլվա ԱՄՐՅԱՆ



Դիլիջանի ազգային պարկում

Խաչատուր Աբովյանի անվան հայկական պետական մանկավարժական համալսարանի Կենսաբանության, քիմիայի և աշխարհագրության ֆակուլտետի ուսանողներն Էկոլոգիայի և կայուն զարգացման ամբիոնի դասախոս, կենսաբանական գիտությունների դոկտոր, պրոֆեսոր Վ. Հովհաննիսյանի ղեխավորությամբ

նոյեմբերի 8-ին այցելել էին «Դիլիջան» ազգային պարկի Կովկասյան ազնվացեղ եղջերուների վերաբնակեցման կենտրոն: Ուսանողները հնարավորություն ունեցան մոտիկից տեսնել այդ գեղեցիկ կենդանիներին, շփվել նրանց հետ և Հայաստանում եղջերուների տեսակը վերականգնող ծրագրի մասին տեղեկություն-

ներ ստանալ: Նշենք, որ Կովկասյան ազնվացեղ եղջերուն անօրինական որսի արդյունքում վերացել և վերջին անգամ Հայաստանում արձանագրվել է 90-ական թվականներին: 2018թ. մարտ ամսին Իրանի Իսլամական Հանրապետությունից Հայաստան են բերվել 3 կովկասյան ազնվացեղ եղջերուներ

կենդանու այս տեսակը վերականգնելու համար:

«Հայաստանում Կովկասյան ազնվացեղ եղջերուի վերաբնակեցման ծրագիրը» նախաձեռնել են ՀՀ բնապահպանության նախարարությունը և Բնության համաշխարհային հիմնադրամի (WWF) հայաստանյան մասնաճյուղը 2013 թվականին:

Եղջերուների բազմացման կենտրոնը մեկ հեկտար է, որտեղ պահպանվելու է եղջերուների մայրական կազմը՝ 3-4 արու և 10-11 էգ: Ակնկալվում է, որ ամեն տարի կենտրոնում կունենան 9-10 ծագ, որոնք կտեղափոխվեն 10 հեկտար տարածքով ազատավանդակ, որտեղ կբացառվի նրանց շփումը մարդկանց հետ և մոտավորապես 3 տարուց հետո եղջերուների վրա տեղադրվելու են ռադիոթրասակներ (անվտանգությունն ապահովելու համար), և նրանք բաց են թողնվելու վայրի բնություն: Ազատավանդակները էլեկտրական ցանկապատ ունեն՝ գիշատիչներից պաշտպանելու համար:

Ուսանողներն անչափ կարևորում են նմանատիպ այցերը, որոնք վաղվա սերունդներին կրթող մանկավարժներին օգնում են լինել տեղեկացված, որպեսզի նրանք հետագայում աշակերտներին սովորեցնեն ինչպես հոգ տանել բնությանը:

Էլյա ԽԱՉԱՏՐՅԱՆ
Կենսաբանության, քիմիայի և աշխարհագրության ֆակուլտետի Կենսաբանության բաժնի, մագիստրատուրայի 2-րդ կուրսի ուսանողուհի

ԼՃԱՇԵՆԻ ԱՇՈՏ ՏԵՐ-ԳՐԻԳՈՐՅԱՆԻ ԱՆՎԱՆ ՄԻՋՆԱԿԱՐԳ ԴՊՐՈՑՈՒՄ

Ա. Տեր-Գրիգորյանի անվան մայրենիի և նրա դասավանդման մեթոդիկայի ամբիոնը տարիներ շարունակ մասնագիտական բազմաբնույթ համագործակցություն է իրականացնում ԼՃաշեն գյուղի Ա.Տեր-Գրիգորյանի անվան միջնակարգ դպրոցի մանկավարժական կոլեկտիվի հետ, դպրոց, որի հիմնադրման 110-ամյակը մեծ շուքով նշվեց 2017 թվականին: Մեծ գիտնականի անունը կրող կրթական

Այս անգամ մայրենիի և նրա դասավանդման մեթոդիկայի ամբիոնի դասախոսներին միացել էին նաև մաթեմատիկայի և տարրական ուսուցման մեթոդիկայի ամբիոնի դասախոսներ Քնարիկ Յովհաննիսյանը և Աննա Բաբաջանյանը: Այցելությունն ուներ մի քանի նպատակ՝
* հանդիպել դպրոցի տարրական օղակի ուսուցիչներին, նրանց հետ կազ-



այս երկու օղակների համագործակցությունը պարբերական բնույթ է կրում և ուղղված է տարրական դասարաններում կրթական գործի բարելավմանը՝ մասնավորապես մայրենի լեզվի դասավանդման գործընթացի արդյունավետության բարձրացմանը:
Նոյեմբերի 13-ին դպրոցի տնօրեն Աիդա Մուրադյանը հերթական անգամ սիրով ընդունեց մայրենիի և նրա դասավանդման մեթոդիկայի ամբիոնի առաջարկը և հյուրընկալեց դասախոսներին՝ մեթոդական արդյունավետ համագործակցության ակնկալիքով՝ կարևորելով այդպիսի հանդիպումների անհրաժեշտությունը՝ մեթոդական նորություններին ծանոթանալու, դրանց տիրապետելու և ժամանակի հետ համահունչ քայլերու տեսանկյունից:

մակերպել կլոր սեղան «Մայրենիի ուսումնասիրման արդի խնդիրները դպրոցում» թեմայով.
* ուսուցիչներին իրազեկել ամբիոնի դասախոսների կողմից հրատարակված մեթոդական գրականությանը, դրանց նպատակներին, բովանդակությանը և կիրառության ոլորտներին.
* հանդիպել ավագ դպրոցի աշակերտների հետ՝ իրականացնելով մասնագիտական կողմնորոշման խորհրդատվություն.
* դասեր լսել տարրական դասարաններում և կազմակերպել մեթոդական սեմինար:
Ըստ այս խնդիրների՝ ստեղծվեցին աշխատանքային խմբեր, որոնք աշխատեցին ուսուցիչների և բարձր դասարանների աշակերտների համապատասխան

խմբերի հետ:
Յանդիպումը ցանկալի ու սպասված էր թե՛ ամբիոնի դասախոսների, թե՛ ուսուցիչների, և թե՛ հատկապես աշակերտների համար: Գյուղի դպրոցը շատ տարբեր է քաղաքի դպրոցից. այն բոլորովին ինքնատիպ շունչ, ոգի ու մթնոլորտ ունի: Դասավանդների ժամանակ երեխաների անմիջականությունը, անկեղծ հուզումն ու ջերմությունը փոխանցվել էին մեծահասակներին և նրանց դարձրել իրենց դասի անմիջական մասնակիցները: Մանկավարժական գիտությունների դոկտոր, պրոֆեսոր Ջուլիետա Գյուլամիրյանը ամփոփեց դասը՝ երեխաների օգնությամբ վեր հանելով Յովհաննես Թումանյանի «Անխելք մարդը» հեքիաթի գաղափարական բովանդակությունը, որի տիկնիկային բեմականացումը ներկայացրել էին երկրորդ դասարանի աշակերտները՝ մանկավարժի վարպետության դրսևորման ինքնաբերական և հետաքրքրական օրինակ դառնալով ուսուցիչների ու դասախոսների համար:
Ուսուցիչների առաջարկությամբ քննարկվեցին նաև ներառական կրթությանն առնչվող մի շարք խնդիրներ, իսկ կլոր սեղանի շուրջ ուսուցիչներն ու աշակերտները ծանոթացան դասախոսների հեղինակած գրքերին, ուսումնասով ծանոթանալով նրանց: Յովհաննես Թումանյանի համար, թե՛ դպրոցի համար. առանձնաց-

վեցին նաև այն թեմաները, որոնց շուրջ սեմինարներ ու քննարկումներ անցկացնելու նպատակահարմարություն ու կարիք է զգացվում, և պայմանավորվածություն ձեռք բերվեց մոտ ապագայում դրանց անցկացման վերաբերյալ:
Ամբիոնը մեծ սիրով դպրոցին նվիրեց վերջին մեկ տարվա ընթացքում դասախոսական կազմի հրատարակած մեթոդական տեսական, գործնական և ուսումնասով ծանոթացնող մոտ ձեռնարկները, որոնք կնպաստեն ուսուցիչների մասնագիտական որակի բարձրացմանը և ուսումնական գործընթացի արդյունավետ կազմակերպմանը: Մեթոդական նոր գրականության և հատկապես զննական պարագաների կարիք ուսուցիչը մշտապես ունի և այդ հարցում, կարծում ենք, օգնությունը պետք է շարունակական բնույթ կրի:
Աշոտ Տեր-Գրիգորյանի անվան մայրենիի և նրա դասավանդման մեթոդիկայի ամբիոնը որդեգրել է այն մոտեցումը, որ մանկավարժական բուհի կարևորագույն առաքելություններից մեկը պետք է լինի նաև գյուղական դպրոցների հետ մասնագիտական անմիջական շփումների ու համագործակցության համանման ձևաչափը, որը կարևոր է գյուղական դպրոցի կարիքները վեր հանելու, դրանց լուծմանն աջակցելու և գիտամեթոդական աշխատանքներն իրականացնելիս նաև այդ շատ կարևոր դաշտը հաշվի առնելու համար:

ՏՈՆԱԿԱՆ ՕՐՎԱ ԽՈՐՀՈՒՐԴ

Տոնական եռուզեռ էր տիրում Երևանի Գ. Ստեփանյանի անվան N 135 հիմնական դպրոցում. տարիներ շարունակ ավանդույթ դարձած «Ա» հնչյուն-տառի ուսուցման շնորհանդես-միջոցառումը իր շուրջն էր հավաքել շատերին... Առաջին դասարանցիներն իրենց դասավարդների հետ երկար էին պատրաստվել այդ հիշարժան միջոցառմանը:
Հուզված էին՝ գիտակցելով օրվա խորհուրդը. Մեսրոպ Մաշտոցը այնպիսի հայրենամովեր գործ էր կատարել, որը հրաշքի էր նման: Նրա ստեղծած տառերը մեր ժողովրդի համար դարձել են գոյության, ինքնության հզոր միջոց:
Մանկական շուրթերից բխած բանաստեղծությունները, երգերն ու երաժշտությունն էլ կարծես ձոն էին մեսրոպյան այբուբենին...
«Ա» հնչյուն-տառի խորհրդանիշ հանդիսացող արևի, աղավնու, արջի, աղվեսի, արագիլի, աշյուծի կերպարներ մարմնավորող մանուկները խաղաղություն, բարություն, հայրենասիրություն, լույս ու ջերմություն էին բարբառում...
Անսահման էր ոգևորությունը, որոնցով վարակվել էին փոքրիկները՝ այն փոխանցելով ներկաներին: Իսկ ներկաների շարքում էին դպրոցի կառավարման խորհրդի նախագահ Սեյրան Ավագյանը, բանասիրական գիտությունների դոկտոր, պրոֆեսոր Մերգր Երիցյանը, սիրված բանաստեղծ, մանկագիր Լիպարիտ Սարգսյանը, «Այբբենարան» դասագրքի հեղինակ Վաչագան Սարգսյանը, Նոր Նորքի Սուրբ Սարգիս եկեղեցու հոգևոր հովիվ տեր Նորայրը, որի օրհնանքի խոսքով էլ սկսվեց միջոցառումը:
Ելույթ ունեցողներն իրենց ողջույնի խոսքում կարևորեցին հայեցի դաստիարակության այն ճիշտ ճանապարհը, որն արժևորում է դպրոցի տնօրեն Գարեգին Ներսեսյանը մատակցել կրթության և դաստիարակության գործում:
Վեց առաջին դասարանների աշակերտներն (այս ուսումնական տարում 1-ին դասարան են ընդունվել 192 աշակերտ) իրենց ուսուցչուհիների հետ երգվեցին անաղարտ պահել ոսկեդեմիկ մայրենին, իսկ դպրոցի ղեկավարության կողմից բաժանված գունավոր կավիճներով դասարաններում իրենց դողողուն ձեռքերով գրեցին հայոց այբուբենի առաջին տառը՝ Ա, ա...



ՈՒՇԱԴՐՈՒԹՅՈՒՆ
Մանկավարժական համալսարանը սահմանել է Ռուբեն Սևակի անվան ամենամյա մրցանակ: Մրցանակը՝ 1000 ԱՄՆ դոլարին համարժեք ԶԶ դրամ, որը հովանավորում է բանաստեղծի եղբորորդին՝ բարերար Յովհաննես Զիլինգիրյանը:
Մրցանակի համար կարող են դիմել Մանկավարժական համալսարանի ուսանողները և բուհի Յենակետային (ավագ դպրոց) վարժարանի սաները՝ ներկայացնելով հայ բանաստեղծ, արձակագիր, բժիշկ Ռուբեն Սևակի (Զիլինգիրյան Ռուբեն Յովհաննեսի 1885-1915) մասին խոհագրություն (15-20 տպագրված էջերի սահմանում):
Ցանկացողները կարող են նյութերն ուղարկել մինչև 2019 թվականի փետրվարի 28-ը ներառյալ՝ info@aspu.am հասցեին, կամ ներկայացնել ԳՊՄԶ Զարտուղարություն (Տիգրան Մեծի 17, I հարկ, 104 աշխատասենյակ):